



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԼՈՒՈՒ ՄԱՐԶԻ ԱԼԱՎԵՐԴԻ ՀԱՄԱՅՆՔԻ ԱՎԱԳԱՆԻ**

ք. Ալավերդի, Չորավար Անդրանիկ 8/1  
☎ (253) 2-41-00, E-mail: alaverdi.lori@mta.gov.am

**ՈՐՈՇՈՒՄ  
26 ԴԵԿՏԵՄԲԵՐԻ 2023 ԹՎԱԿԱՆ, N 133-Ա**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶԻ ԱԼԱՎԵՐԴԻ ՀԱՄԱՅՆՔԻ  
ՀԱՄԱՅՆՔԱՅԻՆ ՄԱՍՀԱՆՈՒՄՆԵՐԻ (ՌՈՅԱԼԹԻ) ԾԱԽՍՄԱՆ 2024 ԹՎԱԿԱՆԻ  
ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 18-րդ հոդվածի 1-ին մասի 5.1-րդ կետով, Հայաստանի Հանրապետության կառավարության 2022 թվականի սեպտեմբերի 1-ի N 1358-Ն որոշման հավելվածով հաստատված կարգի 2-րդ կետով և հաշվի առնելով Ալավերդի համայնքի ղեկավարի առաջարկությունը՝ Հայաստանի Հանրապետության Լոռու մարզի Ալավերդի

համայնքի ավագանին **որոշում է.**

- Հաստատել Հայաստանի Հանրապետության Լոռու մարզի Ալավերդի համայնքի համայնքային մասհանումների (ռոյալթի) ծախսման 2024 թվականի ծրագիրը՝ համաձայն հավելվածի:
- Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Որոշումն ընդունվեց.

			ԿՈՂՄ	ԴԵՄ	ՁԵՆՆՊԱՅ
1.	ԴԱՎԻԹ	ՂՈՒՄԱՇՅԱՆ			
2.	ԼՈՐԱ	ՍԱՐԳՍՅԱՆ			
3.	ՀԱՍԼԵՏ	ՂՈՒԼՅԱՆ			
4.	ԱՐՄԻՆԵ	ԵՐԻՑՅԱՆ			
5.	ՄԿՐՏԻՉ	ՍԱՐԳՍՅԱՆ			
6.	ՀԱՐՈՒԹՅՈՒՆ	ՁԱՎԱՐՅԱՆ			

7.	ՖԼՈՐԱ	ԹԱԹՈՒԽԱՇՎԻԼԻ			
8.	ԱՄՐԱՍՏԱՆ	ԶԱՆԻՆՅԱՆ			
9.	ՀՐԱՆՏ	ՀԱԽԿԵՐԴՅԱՆ			
10.	ԱՆԱՀԻՏ	ՍՍԲԱՏՅԱՆ			
11.	ԱՐՏԱԿ	ԳԱՈՐԳՅԱՆ			
12.	ԱՐԵՆ	ԴԱԼԼԱԶՅԱՆ			
13.	ՀԱՅԿ	ՀՈԿԱԿԻՄՅԱՆ			
14.	ՍԻՄՈՆ	ՉԱԽԱՐՈԿ			

ՀԱՄԱՅՆՔԻ ՂԵԿԱԿԱՐ



ԴԱԿԻԹ ՂՈՒՄԱՇՅԱՆ

2023թ., դեկտեմբերի 26,  
Լոռու մարզ, ք. Ալավերդի





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԼՈՒՈՒ ՄԱՐԶԻ  
ԱԼԱՎԵՐԴԻ ՀԱՄԱՅՆՔԱՊԵՏԱՐԱՆԻ  
ԱՇԽԱՏԱԿԱԶՄ ՀԱՄԱՅՆՔԱՅԻՆ  
ԿԱՌԱՎԱՐՉԱԿԱՆ ՀԻՄՆԱՐԿ

## Ծ Ր Ա Գ Ի Ր

ԱԼԱՎԵՐԴԻ ՀԱՄԱՅՆՔԻ 2024Թ.  
ՀԱՄԱՅՆՔԱՅԻՆ ՄԱՍՀԱՆՈՒՄՆԵՐԻ (ՌՈՅԱԼԹԻ)  
ԾԱԽՍՄԱՆ

ԱԼԱՎԵՐԴԻ 2023Թ.



## **Ծրագրի նկարագրությունը**

Ալավերդի խոշորացված համայնքի 28 բնակավայրերից չորսը հանդիսանում են ոռոյալթի վճարած կազմակերպությունների ազդակիր բնակավայրեր: Այդ բնակավայրերի ճանապարհների ներկա վատ վիճակը վարորդների համար անհարմարությունների ու ֆինանսական կորուստների պատճառ է դառնում: Դժվարություններ են ստեղծում համայնքի, առավելապես՝ բնակավայրի բնակիչների տեղաշարժման, գյուղատնտեսական աշխատանքների պատշաճ կազմակերպման, ինչպես նաև շտապ բուժօգնության ավտոմեքենաների արագ տեղաշարժի համար: Բացի այդ, ճանապարհների անմխիթար վիճակը լուրջ դժվարություններ է ստեղծում նաև ենթակառուցվածքների հասանելիության և համայնքային սպասարկում իրականացնող ծառայությունների համար (աղբահանություն, կոմունալ սպասարկում և այլն): Խնդիրն էլ ավելի ցայտուն է դառնում անձրևային եղանակին և ծմեռային պայմաններում, երբ հորդառատ անձրևների կամ ձյան պատճառով հիշյալ ճանապարհները դառնում են գրեթե անանցանելի՝ արդարացիորեն առաջ բերելով բնակիչների դժգոհությունը:

Ներկայիս վիճակը շտկելու նպատակով ՀՀ Կառավարության 2022 թվականի սեպտեմբերի 1-ի N 1370-Ն որոշման 2-ր կետի 6-րդ ենթակետի ա. պարբերության (համայնքային նշանակության ճանապարհների կառուցում և վերանորոգում) համաձայն, համայնքը նախատեսում է 2024 թվականին ասֆալտապատմամբ կապիտալ վերանորոգել Ալավերդի համայնքի Շնող բնակավայրի 7-րդ փողոցը, 1-ին փողոցը, Թեղուտ բնակավայրի 3-րդ փողոցի 1-ին նրբանցքը, Շամլուղ բնակավայրի 462մ<sup>2</sup> բակային հատվածը, տուֆ քարով սալարկմամբ վերանորոգել Ճոճկան բնակավայրի 3-րդ փողոցի 2-րդ նրբանցքը և 20-րդ փողոցը ու վերանորոգել Շամլուղ բնակավայրի թվով 8 աստիճանավանդակներն և աստիճանահարթակները:

Ալավերդի համայնքի հնգամյա զարգացման ծրագրի զարգացման խոչընդոտներ և դժվարություններ բաժնում որպես համայնքի սոցիալ-տնտեսական զարգացման խոչընդոտ նշվել է միջբնակավայրային և ներբնակավայրային ճանապարհների անբարեկարգ վիճակը: Այս խնդիրների լուծմանն է ուղղված ծրագրով նախատեսված աշխատանքների իրականացումը:

## **Ծրագրի նպատակները և արդյունքները**

### **Նպատակ**

Ճանապարհային ցանցի բարելավում և անվտանգ երթևեկության ապահովում:

### **Ծրագրի իրականացման արդյունքում.**

- ✓ կբարձրանա բնակչության տեղաշարժի հարմարավետության մակարդակը,
- ✓ կնվազեն տրանսպորտային միջոցների տեխնիկական սպասարկման ծախսերը,

- ✓ կապահովվի համայնքային նշանակության ենթակառուցվածքների հասանելիությունն ու արդյունավետ շահագործումը:

### **Ծրագրի շահառուները**

Ծրագրի ուղղակի շահառուները համայնքի Շնող, Թեղուտ, Շամլուղ և Ճոճկան ագղակիր բնակավայրերի թվով 6656 բնակիչներն են, ովքեր կօգտվեն համայնքի բարեկարգ ճանապարհներից և աստիճաններից:

Միաժամանակ ծրագրի ժամանակավոր շահառու կհանդիսանան շինարարության ոլորտի այն աշխատակիցները, ովքեր ընդգրկված կլինեն ճանապարհների վերանորոգման գործում:

### **Ծրագրի իրականացման գործողությունները և ժամանակացույցը**

Ծրագիրը նախատեսվում է իրականացնել 2024թ հունվարից դեկտեմբեր ընկած ժամանակահատվածում:

Նախատեսվում է այդ ժամանակահատվածում կազմակերպել շինարարական աշխատանքների ձեռքբերման գնման գործընթացներ, որի արդյունքում մրցույթները հաղթած կազմակերպությունների հետ կնքված պայմանագրերի հիման վրա կվերանորոգվեն ճանապարհներ տուֆ քարով սալարկման և ասֆալտապատման միջոցով ու 8 աստիճանավանդակներ և աստիճանահարթակներ:

Ծրագրի ավարտից հետո ՀՀ կառավարության 04.08.2022թ. «Համայնքային մասհանումների ծախսերի մասով հաշվետվությանը ներկայացվող պահանջները և հաշվետվության ձևաչափը հաստատելու մասին» թիվ 1198-Ն որոշման Հավելված 1-ի 2-րդ կետով սահմանված ժամկետում կկազմվի և կներկայացվի ծրագրի տարեկան հաշվետվություն:

### **Ծրագրի իրականացման համար անհրաժեշտ ծախսեր**

Ալավերդի համայնքի համայնքային մասհանումների (ռոյալթի) ծախսման 2024 թվականի ծրագրի ընդհանուր արժեքը նախնական հաշվարկով կազմում է 196045440 ՀՀ դրամ (նախնական հաշվարկը (ֆինանսական գնահատականը) կցվում է), որը կֆինանսավորվի համայնքային մասհանումների միջոցներից: Այս ծախսերն իրենց մեջ ներառում են շինարարական աշխատանքների արժեքները:

Նախագծա-նախահաշվային փաստաթղթերի կազման աշխատանքների, հեղինակային ու տեխնիկական հսկողության ծառայությունների ծախսերը կֆինանսավորվեն Ալավերդի համայնքի բյուջեից:



### **Ծրագրի իրականացման հիմքերը**

Ալավերդի համայնքի համայնքային մասհանումների (ոռյալթի) ծախսման ծրագիրը կազմվել է «Համայնքային մասհանումների ծախսման ծրագրով նախատեսված միջոցառումների ուղղությունները, դրանց առաջնահերթությունները հաստատելու մասին» ՀՀ Կառավարության 2022 թվականի սեպտեմբերի 1-ի N 1370-Ն որոշման 2-րդ կետի 6-րդ ենթակետի ա. պարբերության, «Համայնքային մասհանումների ծախսման ծրագիրը կամ ծրագրի փոփոխությունները տարածքային կառավարման բնագավառի լիազոր մարմնի հետ համաձայնեցման կարգը սահմանելու մասին» ՀՀ Կառավարության 2022 թվականի սեպտեմբերի 1-ի N 1358-Ն որոշման, «Հայաստանի Հանրապետության բյուջետային համակարգի մասին» ՀՀ Օրենքի 2-րդ հոդվածի, «Տեղական ինքնակառավարման մասին» ՀՀ Օրենքի 12-րդ հոդվածի պահանջներին համապատասխան:

Ծրագիրը ներառված է Ալավերդի համայնքի 2023-2027թթ հնգամյա զարգացման ծրագրում, որի հաստատման ընթացքում անցել է հանրային քննարկում:

ԱԼԱՎԵՐԴԻ ՀԱՄԱՅՆՔԻ ՂԵԿԱՎԱՐ՝



ԴԱՎԻԹ ՂՈՒՄԱՇՅԱՆ